

祖徠文集二十卷

宋石介撰



清張位抄本


四册

本部书开始


书 号 4265

本片卷含





祖徠文集卷第一



徠 石 介 守道

宗頌九首并序

皇祖六章二章八句一章六句三章

四句

聖神四章一章四句一章八句一章

七句一章六句

湯三章八句

莫醜四章、六句

金陵二章、八句

聖文三章、十句

六合雷聲六章、六句

聖武三章、十句

明道十一章二章八句四章六句五

章四句

慶曆聖德頌

宋頌并序

詩序曰頌者美盛德之形容以其神功告於神明者也夫有盛德大業然後稱為之文辭有粹文俊辭然後充見乎功業德與辭表裏功與文相埒然後奮為宏休摛為英聲昭為烈光暉、暉、如日之華鏗、訇、如雷之行暢於無前揚於無上江浸海流天高地厚不有窮盡若周之文武興

起王業公旦制作禮樂成康積隆太平宣
王亭起中興其功偉歟漢之高祖定禍亂
文景崇尚恭儉孝武却攘戎狄先武恢復
漢業其功偉歟唐之太宗誅李密王世充
竇建德薛舉輔公祐明皇除太平公主相
姚宗開元三十年昇平憲宗斬楊惠琳劉
闢吳元濟復諸侯地數千里其功偉歟我
國家 太祖武皇帝一駕而下潞再夫而

定揚三楫而納荆潭四指而收蜀廣五征
而平江南 太宗文皇帝克紹先烈亦既
踐祚南致淮海數十州之地繞謀順動北
縛莽元四十五年之寇 真宗章聖皇帝
暫臨澶淵匈奴喪威墮膽迄今四十年樂
我盟好不敢箠馬而南今 皇帝在明道
之初獨臨軒墀躬履庶政神謀睿斷如雷
之動六合莫不震焉發號施令如風之行

萬民莫不見焉登任括艾翦鉏姦惡天清
地明日燭月霽其功也如此鴻烈景鑠乃
可作為歌詩雅頌流於金石被於管弦報
天地而奏宗廟感昆蟲而和夷貊矣故周
有清廟生民功臣天作雖潛勺武漢有中
和樂職聖主賢臣唐有晉陽武獸之窮滌
水黃奔鯨沛淮夷方城元和聖德諸篇臣
介竊擬前人輒取 太祖 太宗 真宗

陛下功德之尤著見者為宗頌九篇臣
雖齒髮堅壯未為衰老自視材智甚短施
之於事無毫髮所長虛生盛明之時真以
為媿然文采晦昧體格卑隘不足以稱述
四聖君之耿光亦庶乎萬一有以助太平
之頌聲云

皇祖 太祖皇帝初用師伐潞州殺李筠伐
揚州滅李重進也 皇祖神武疇敢違拒元

年四月筠叛於潞 皇祖躍馬至潞城下筠
窘赴火焦頭爛髀 皇祖龍驟疇敢猖狂元
年九月進叛於揚 皇祖徐驅至揚城隅進
窘登樓并焚其孥 皇祖曰嘻物情難籌予
代有周天時人謀罔有不同予德其休予亦
即祚涵濡養撫罔有失所予德其裕筠胡予
違進胡不隨予匪汝誅汝自取之既翦二盜
聖武燁耀荆潭蜀吳如拔腐草

皇祖六章二章八句一章六句三
章四句

聖神 太祖皇帝出師援長沙且假道徑遂
取荆潭也不疾而速不怒而威惟聖惟神其
幾其微二國之君各保僉土虎憑於山莫予
敢取蛟憑於淵莫予敢侮萬斯年予開鑄以
固聖機神謀天祕地藏風行雷動旦秣我馬
夕取其疆二君不知晏眠于牀具篙與舟同

朝天子一發五犯二君皆至 皇祖聖神鴻
光丕懿

聖神四章一章四句一章八句一
章七句一章六句

湯 太祖皇帝收蜀取益昶也湯 其江
區 兪益一夫當關不知天命蟻固于穴蛙
負于井咫尺之地為可以騁彼以險守我以
德懷王師東來函谷自開蜀虜授首呼號哀

哀蜀人鼓舞與我來借昔時蜀道絕人往來
今蜀既平王道蕩 尉候一置朝貢相望巍
巍 皇祖德聲遠暢

湯 三章 八句

莫醜 太祖皇帝用周謂之策命潘美取廣
州也莫醜匪虺莫悍匪兕有張在南毒螫不
已沸湯熱火暴我赤子 皇祖曰嘻天生烝
民樹之君長以養以仁乃予不恤匪張之囂

乃謀于謂乃將于美王師鷹揚涉江萬里關
其城門鉉號請死 皇祖有德乾覆坤容予
在弔民不殺以封 皇祖慈仁感于昆蟲

莫醜四章，六句

金陵 太祖皇帝命師取李煜也金陵哉
長江萬里誰為巢穴養此蛇豕天豈作限而
險而恃不順不臣敢亢天子帝赫斯怒王師
徐驅叢翕螻蟻豈勝誅鉏哀，窮俘爰叫以

呼歸于京師燁哉聖謨

金陵二章，八句

聖文錢俶以吳越歸也聖文安，聖武桓，
朝貢萬里正朔百蠻無吳之險無蜀之艱無
潭之囂無荆之頑感予賓順悅色和顏彼併
在抗有地千里皮毀毛落孤睽莫恃懾服聲
教慕為臣使携彼人民挈其土地于橐于囊
歸于天子天子神聖罔不懷柔既懷而封恩

涵澤流暉予有刑視彼揚州順予有封視此
錢侯赫々 宋德何有窮休

聖文三章々十句

六合雷聲 太宗皇帝親征太原取劉繼元
也六合雷聲中國有君塗其耳目不使聽聞
隔在荒外嗟兪并人匪民之器為賊俘虜往
弔其民王澤時雨往伐其罪王師虎旅昔時
錢俛有國於吳今俛歸我為吾前驅并人望

風請為臣奴舊是匈奴為并左臂今附有德
不與賊子并人失恃求就戮死撫我則懷并
人肯來降旗出城并門夜開并土既平吾王
休武往在 藝祖未遑拓寓遺我 聖宗啓
此北土敢告 太祖惟 皇孝武

六合雷聲六章々六句

聖武戎犯我疆至于澶淵 真宗皇帝親臨
六師射煞戎首軍不得歸乞盟請和也 聖

武惟揚鷹師虎旅至于澶淵執彼醜虜醜虜
之來蜂蠆敢怒我師如林不怒以懼既俘其
師請示死所 聖仁如天惡殺好生于以耀
德匪來觀兵亟命止戈無茲黷刑不勦其類
戴我以兄屈膝請和畏我威靈棄甲以歸處
彼北隩千斯年予永以為好邊人其安養幼
送老民有肥田馬有茂草威德遠乎思我
聖考

聖武三章十句

明道莊獻明肅皇太后崩今 皇帝陛下獨
臨軒墀聽決萬機睿謨聖政赫然日新也明
肅惟母實勤養撫有臣有虎有離有附請王
禘產請廟考祖古人有作規呂矧武政由房
惟小人乘時十年于茲惟幾惟微聖人如天
不識不知龍晦其威神歲其為明道四月睿
德明發帝褰簾箔出臨軒榻總擊萬機指揮

六合聖人之興雷動乾行進退大臣顏色和平誅逐羣豎左右不驚不怒而威不疾而速百蠻偷息百官重足土無二主惟辟作福圖任括艾拔崇賢能旌賁忠臣死生光榮洗刷敕風宮闕清明惟常之道與時語默靜則坤闔動則乾闢十年深宮不有其權今日南面退姦進賢 宗承大紀八十年矣明道之政獨為粹美唐三百年時惟開元猗歟明道開

元同言明道之政可以歌舞小臣作頌實慙吉甫

明道十一章二章八句四章六句
五章四句

慶曆聖德頌 并序

三月二十一日大昕 皇帝御紫宸殿朝百官相得象殊拜竦樞密使夷簡以司徒歸第二十二日制命昌朝參知政事弼樞

+

密副使二十六日勅除脩靖素並克諫官
四月八日 皇帝御紫宸殿朝百官衍樞
密使仲淹琦樞密副使乃用御史中丞拱
辰御史邈御史平諫官脩靖十一疏追竦
樞密使勅十三日勅又除襄為諫官天地
人神昆虫草木無不懽喜 皇帝退姦進
賢發於至聰動於至誠奮於睿斷見於剛
克陟黜之明賞罰之公也上視漢魏隋唐

五代凡千五百年其間非無聖神之主盛
明之時未有如此選人之精得人之多進
人之速用人之盡實為希闊殊尤曠絕盛
事在 皇帝之德之功為卓犖瑰偉神明
魁大古者一雲氣之祥一草木之異一蹄
角之怪一羽毛之瑞當時羣臣猶且濃墨
大字金頭鈿軸以稱述頌美時君功德以
為無前之休丕天之績如仲淹弼實為不

世出之賢求之於古堯則夔龍舜則稷契
周則閔散漢則蕭曹唐則房魏陛下有
之諸臣亦皆今天下之人望為宰相諫官
者陛下盡用之此比雲氣草木蹄角羽
毛之異萬不一倅豈可翻無歌詩雅頌以
播吾君之休聲烈光神功聖德刻于琬琰
流于金石告于天地奏于宗廟存于萬千
年而無窮盡哉臣竇羞之臣嘗慶慕唐大

儒韓愈為博士日作元和聖德頌千二百
言使憲宗功德赫奕煒燁昭于千古至今
觀之如在當日陛下今日功德無讓憲
宗臣文學雖不逮韓愈而亦官於太學領
博士職歌詩讚頌乃其職業竊擬於愈輒
作慶曆聖德頌一首四言凡九百六十字
文辭鄙俚固不足以發揚臣子之心亦欲
使陛下功德赫奕煒燁照于千古萬千

年後觀之如在今日也臣不勝死罪臣賤
無路以進姑藏諸家以待樂府之采焉
於維慶曆三年三月 皇帝龍興徐出闈闥
晨坐太極晝開閭闔躬攬賢英手鋤姦桀大
聲颯々震搖六合如乾之動如雷之發昆蟲
踳躅妖怪藏滅同明道初天地嘉吉初聞
皇帝感然言曰予父子祖付予大業予恐失
隊實賴輔弼汝得象珠重慎微密君相予久

予嘉君伐君仍相予筮鏞斯協昌朝儒者學
聞問該洽與予論政傳以經術汝貳二相庶績
咸秩惟汝仲淹汝誠予察太后乘勢湯沸大
熱汝時小臣危言業々為予司諫正予門闥
為予京兆聖子讒說賊叛于夏往予武過六
月酷日大冬積雪汝暑汝寒同於士卒予聞
辛酸汝不告之予晚得弼予心弼悅弼每見
予無有私謁以道輔予弼言深切予不堯舜

弼自筮罰諫官一年奏疏滿篋侍從周歲忠
力盡竭契丹亡義禱杙饕餮敢侮大國其辭
悞悖弼將予命不畏不懼卒復舊好民得食
褐沙磧萬里死生一節視弼之膚霜剝風裂
觀弼之心鍊金鍛鐵寵名大官以酬勞渴弼
辭不受其志莫奪惟仲淹弼一夔一契天實
賚予其敢忽並來弼予民無瘼札曰衍汝
來汝予黃髮事予三紀毛禿齒豁心如一子

率履弗越遂長樞府兵政毋蹶予早識琦
有奇骨其器魁梧豈視店楔其人渾撲不施
剗剗可屬大事敦厚如勃琦汝副衍知人予
括惟備惟靖立朝獻：言論礫砢忠誠特達
祿微身賤其志不怯嘗詆大臣亟遭貶黜萬
里歸來剛氣不折屢進直言以補予闕素相
之後含忠履潔昔為御史箠叩予榻至今諫
疏在予箱匣棄雖小臣名聞干徹亦嘗獻言

箴予之失剛守粹懇與脩儔匹並為諫官正
色在列予過汝言無鉗汝舌 皇帝明聖忠
邪辨別舉擢俊良掃除妖魅衆賢之進如茅
斯拔夫姦之去如距斯脫上倚輔弼司予調
燮下賴諫諍維予紀法左右正人無有邪孽
予望太平日不逾浹 皇帝嗣位二十二年
神武不殺其默如淵聖人不測其動以天賞
罰在予不失其權恭己南面退姦進賢知賢

不易非明不得去邪惟艱惟斷乃克明則不
貳斷則不惑既明且斷惟 皇之德羣下跋
踏重足屏息文相告語曰惟正直毋作側僻
皇帝汝殛諸侯危慄墮玉共爲文相告語
皇帝神明四時朝覲謹脩臣職四夷走馬
隊鐙遺榮文相告語 皇帝神武解兵脩貢
永為屬國 皇帝一舉羣臣懾焉諸侯畏焉
四夷服焉臣願 陛下壽萬千年

祖徠文集卷第一

祖徠文集卷第二

祖徠石介守道

古詩

汴渠

麥熟有感

讀詔書

待士熙道未至

赴任嘉州嘉陵江泛舟

三豪詩送杜默師雄

南山贈孫明復先生

河決

寄永昇

南霽雲

贈張績禹功

西北

贈孫先生

寄李縕仲淵

送李生謁張侯

勉富春先生

送路遵謁孔宣公

過魏東郊

蜀道自勉

聞子規

哀隣家

送趙澤

觀碁

贈劉中都

汴渠

隋帝荒宴遊厚地刻為滄萬舸東南行四海
困橫流義旗舉晉陽錦帆入揚州揚州竟不
返京邑為堰丘吁哉汴渠水至今病不瘳世
言汴水利我為汴水憂利害吾豈知吾試言
其由汴水濬且長汴流湍且道千里泄地氣
萬世勞人謀舳艫相屬進餽運曾無休一人

奉口腹百姓竭膏油民力輸公家斗粟不敢
收州侯共王都尺租不敢留太倉粟我、冗
兵食無羞上林錢朽貫樂官求要優吾欲塞
汴水吾欲壞官舟請君簡賜予請君節財求
王畿方千里邦國用足周盡省轉運使重封
富人俟天下無移粟一州食一州

麥熟有感

癸酉中作

去年經春頻肆赦拜赦人忙走如馬五月不

雨麥苗死救頻不能活窮寡今年經春無赦
書十日一雨及時下五月麥熟人民飽一麥
勝如四度赦吾願吾君與吾相調和陰陽活
元化陰陽無病元化活風雨調順苗多稼使
麥長熟人不饑敢告吾君不須赦

讀詔書

乙亥中作

關中有山生虎狼虎狼性殘不可當去歲食
人十有一無辜被此惡物傷守臣具事奏

聖帝聖帝讀之惻上意乃詔天下捕虎狼意
欲斯民無枉死吾君仁覆如天地只知虎狼
有牙齒害人不獨在虎狼臣請勿捕：貪吏

待士熙道未至

鳳凰饑憶玉山禾鼓翅飛下玉山阿玉山之
禾粒未熟飢不得食心如何麒麟渴憶崑山
流軒：直下崑山幽崑山之流：未長渴不
得飲予心愁

赴任嘉州嘉陵江泛舟

中心橫大江兩面疊青嶂江山相夾間何人
事吟放半罇岸幘坐永日開船望孤棹已夷
猶數峯更清尚危影倒波底凝嵐浮水上鳴
鷺蒼猿啼樵歌應漁唱併生泉石心堪媿庸
俗狀

江心清照人江面平如掌有客去逍遙扁舟
浮蕩漾遠與城市絕深將泉石向水鳥忽東

西溪雲時下上軒冕誰富貴琴樽自閑放酒
色照淥波吟聲入秋浪五湖無范蠡磻磻無
呂望吾家祖徠下汶水有清響常時夜雨急
隨雨來枕上鬼鬼寒無寐山居得真尚一為
塵纓縛不得閑時餉兩耳聒欲靜喧譟千萬
狀雨夜負潺湲宦途空悲愴劍南四千里地
遐接蠻瘴乍聽江水聲聊使心靈暢

三豪詩送杜默師雄并序

本朝八十年文人為多若老師宿名不
敢論數近世作者石曼卿之詩歐陽永
升之文辭杜師雄之歌篇豪於一代矣
師雄學於予辭歸作三豪詩以送之

曼卿豪於詩杜壇高數層永升豪於辭舉世
絕儔朋師雄歌亦豪三人宜同稱曼卿苦汨
沒老死殿中丞身雖埋黃泉詩名長如冰永
升亦連蹇病鸞方騫騰四海謙獨步三館最

後登師雄二十二筆距搏如鷹才格自天來
辭華非學能迴顧李賀輩麤俗良可憎玉川
月蝕詩猶欲相憑凌曷卿苟不死其才堪股
肱永并器甚閑用之王道興師雄子勉旗勿
便生驕矜

南山贈孫明復先生

我來南山興感悲萬物絃：宰者誰衆材叢
卑無奇姿直轉曲輪皆所宜大木磊：節幹

奇撐巖柱谷無處施我願天子備明堂坐朝
諸侯會四夷柱要十圍棟百尺日責匠石搜
訪之千人用斧萬人拽大根斫斷山崩欹五
州追斗十縣丁載送上都天子怡般輸駭汗
工倭走有目未省曾觀窺黃帝合宮堯衢室
周制九筮虞總期聽政朝夕有攸處闔門左
右咸以時天子拱手四輔立坐致四海為雍
熙不用直棄用即大短轉曲輪翁胡為

河決 乙亥中作

崑崙山最大峩、橫絕域黃河地下來洶
不可測河伯一發怒擘開崑崙石水出東北
陳浩渺無涯極平地水行疾九州如咫尺湯
湯勢滔天黎元多沈溺上貽堯心憂四岳舉
鯨塞鯨用汨彞倫九載無成績堯怒不能治
遂行羽山殛有子其曰禹命使嗣父職洛中
得龜書九疇文甲圻禹乃乘四載周游視水

迹百川各復道九河皆開闢禹功既已成水
患方茲息竊思大禹意河九為遠榮况云殺
其溢聞之孔安國三代逾千年所以無災厄
戰國爭土疆諸侯用詐力運徙無常歲湮淪
不可識隄障遏水勢濬渠絕地脉禹道不復
究河流有雍隔頻為中國患中國不安席後
官徒負薪河伯弗受肆斫盡淇園竹安救瓠
子役民力殫將竭國財耗亦劇四方競上䟽

羣臣爭籌畫田蚡方為相書來多持扼豈顧
天下利惟以私田惜賈讓不為用延年亦見
斥如何聖人功千載復不得 皇宗運熙泰
四聖崇道德百蠻皆臣順萬物遂生殖七
八十年間人不聞金革惟茲澶滑郡河決亦
出亟常記天禧中山東與河北藁秸賦不充
遂及兩京側騷然半海內人心愁慘感河平
未云築隄防有穴隙流入魏博間高原為大

澤良田百萬頃盡充魚鼈食救之成勞費不
救悲隱惻吾君為深慮不食到日昃我忝竊
寸祿素珍堪自責不負一畝土私輒逃丁籍
又無一言長萬分有裨益與世同浮沉隨羣
甘默々亦或中夜思斯民苦瘦瘠四年困蝗
旱五穀頽蠹蟻年來風雨時饒得一秋麥手
足猶瘡痍飢虜未豐碩若待四體肥斯民無
愁色不然尋九河故道皆歷々一勞而永逸

此成功無數或可勿復治順其性所適從民
就寬肥注水灌戎狄試聽翦莪言三者君自
擇

寄永妍

九龍行兩歲在子皇天之命實勤止泓湫水
暖嗜慾飽七龍嬉戲兩龍睡卷藏密雲空自
膏畜聚甘雨不肯施旱魃狂作民虐風伯
暴怒興日熾訴號仰天不聞九州之未皆

乾瘁嗟龍之職行雨失職不雨民胡恃驕
虞義獸心實仁不忍斯民不食死向龍榜罵
數龍罪龍不能各滿面耻偷向上帝讒驕虞
驕虞得罪龍竊喜欲知龍與驕虞分仁與不
仁而已矣

南霽雲

唐祿山亂張巡許遠固守
陽城兵窮援絕霽雲跳出
走泗投賀蘭乞救賀無出
雲對衆斷一指為不食
賊退吾必來殺賀蘭云
九

祿山熾亂火焚崑岡炎、二京鞠為戰場百
官奔走萬乘蒼黃孰城能守孰地不亡瞻彼
濰水其流湯、有城有民在濰之陽遠位巡
上巡智我彊以城授巡、亦克當賊從西來
殺氣堂々旌旗如林對城而行巡遠登城辭
毅色康城中之人踴躍倍常賊知城堅坐甲
裹糧城中食盡殺凌以嘗士無二志持病扶
瘡寧守城死城不可降霽雲勇烈跳城軼出

走泗投賀求兵救之賀飲霽雲牢醴羅列霽
雲避席謂衆云曰濰陽之人不食一月義不
獨飽食下輒咽以刀斷指左右流血彼何人
乎忌忠嫉節心不咸予賊功害伐不出一兵
坐觀奔鉞霽雲心折寸、如鐵霽雲據鞍怒
髮衝冠一矢以志復來不完路人倚觀涕流
汎瀾遠近聞者為之辛酸力盡且窮城孤無
援至死不屈萬戈來攢精誠內發顏色自安

身輕鴻毛名重泰山吾執唐刑囚容於姦未
誅祿山先誅賀蘭

贈張績禹功

李唐元和間文人如蠡起李翱與李觀言雄
破姦宄蓋郊及張籍詩苦動天地持正不退
讓子厚稱絕偉元白雖小道爭名愈弗已卒
能霸斯文昌黎韓夫子吾宗興國來文人如
櫛比黃州才專勝漢公氣合粹晦之號絕羣

平地走虎兕謂之雖駁雜亦文中騏驥白種
洎盧震江沱自為水朱巖兼孫僅培塿對嶽
峙卒能霸斯文河東柳開氏嘆吁河東沒斯
文乃屯否汨三十年滄漭滿人耳粵從景
祐後大儒復唱始文人如麻立挺、攢戰騎
徂徠山磊珂生民實頑鄙容貌不動人心膽
無有比不度蹄迹微直欲觸鯨鯉有慕韓愈
節有肩柳開志令讀禹功文矛戟寒相倚寶

光千里高飛出破屋裏龍音萬丈長拔出重
淵底雷霆皆藏身日星或失次我慙年老大
才力漸衰矣禹功氣奔壯今方二十二前去
吾之年猶有十四歲今讀禹功文鬼鬼已驚
悸更加十四年世應絕儔類卒能霸斯文吾
恐不在己禹功幸勉旃當仁勿讓爾

西北 乙亥中作

吾嘗觀天下西北險固形四夷皆臣順二鄙

獨不遘吾君仁泰厚曠歲稽天刑彘牙遂滋
大地豕極羶腥漸聞頗驕蹇牧馬附郊坳吾
恐患已深為之居靡寧堂上守章句將軍美
娉媵不知思此否使人堪涕零

贈孫先生

世無伯樂不識馬眼看騏驎如驚駘先生今
年四十四才似臯夔胡為我泰山、下水照
石溪聲瀟、白雲堆我居其間拊茅屋先生

先生歸去來

寄李溫仲淵

噫吁嘻屈原放賈誼投晦之流子望曰古人
今人皆不免才能累身才反仇吾友仲淵少
學古胷中踈落羅孔周點毫磨墨作文字壯
我筆力追羣牛三十青衫得一尉尺澤寸波
蟄長虬清廉愛民復材武一日得罪繫滁州
噫吁嘻屈原忠臣楚之望賈誼少年才無儔

晦之子望俱命世麒麟頭角爭崔嵬時不與
子將奈何仲淵仲淵勿涕流

送李生謁張侯

李生長七尺栖、長自吊一飲酒一石常恨
酒甕小一食牛一腔平生未曾飽負劍出門
去滿眼荒榛道行、何所適淚下沾襟抱李
生且收涕不足苦悲悼非無咸池音夔曠世
所少不識伯樂氏飛黃徧牛皂我聞張侯者

其人非草、六經探精微、九流得指要、荀況
或言兵杜牧曾深考、縱橫文武術、難以尋常
較磊、公侯器、可以鎮浮蹤、子將丈二矛、試
向伊前掉、見子伊心喜、扶子出泥淖、王濟牛
心炙、李生應得咬

乙亥冬富春先生以老儒醇師居我
東齋濟北張洞明遠楚宮李溫仲淵
皆服道就義與介同執弟子之禮北

面受其業曰作百八十二言相勉

鳳皇飛來衆鳥隨、神龍遊處羣魚嬉、先生道
德如韓益、四方學者爭奔馳、濟北張洞壯且
勇、楚丘李溫少而奇、二子磊落頗驚俗、泰山
石介更過之、三人堂、負英氣、胸中拳拳蟠
蛟螭、道可服、子身可屈、北面受業尊為師、先
生晨起坐堂上、口誦大易春秋辭、洪音琅、
響齒牙、鼓橫孔子興、交犧先生居前三子後

恂、如在汾河湄續作六經豈必讓焉無房
杜廊廟資吁嘆斯文救已久天生吾輩同扶
持二子勉旃吾不惰先生大用終有時當以
斯文施天下豈徒玩書心神疲

送路遵謁孔宣公

薄田五頃餘饒足共王租田五頃稅四
頃五十畝慈母
八十四髮白牙齒踈服非帛不煖半冬無袴
襦食非肉不能枉案唯一蔬南陔孝子心若

何為安居大冬萬木折北風裂人膚凍死不
敢言長塗走崎嶇二百里見我寒炎求吹噓
顧我正憔悴念子空勤劬闕里有聖孫佩服
詩與書孜孜行仁義陰德及焦枯三縣十萬
人其命絕而蘇豈使八十老甘旨不足敷宣文

公視瑕丘奉符郵三縣水災之
民無出今年租大飢人得生

過魏東郊

全魏地千里雄大視區宇黃河為血脉太行

為筋髓地靈育聖賢土厚含文武堂、柳先生、下如猛虎十三斷賊指聞者皆震怖十七著野史才俊凌遷固二十補亡書辭深續堯禹六經皆自曉不看注與疏述作慕仲淹文章肩韓愈下唐二百年先生固獨步投篇動范杲落筆驚王祐四方文豪傑羣公走聲譽一上中高第數年編士伍五命為御史連出守方土事業過鼻夔才能堪相輔鳳皇世

不容衆鳥競嘲訕獄中饑不死特地生爪距
繞紉十萬師盟津直北度塞上諸猛將低頭
若首鼠渴憶海為漿飢思螯為脯兩手擎人
肝大牀橫斗肚一飲酒一石賊來不怕懼帳
下立孫吳罇前坐伊呂笑談韜鈴間出入經
綸務匈奴恨未滅獻榮言可虜幽州恨未復
上書言可取好文有太宗好武有太祖先生
文武具命子竟不遇死來三十載荒草蓋墳

墓四海無英雄斯文失宗主豎子敢顛狂
黠戎敢悞侮我思柳先生涕淚落如雨試過魏
東郊寒鴉啼老樹丈夫肝膽喪真儒鬼鬼去
瓦石固無情為我止慘沮

蜀道自勉

潮陽瘴煙黑去京路八千吏部有大功得罪
斥守藩朝衝江霧行夜枕江濤眠蚊虻作怪
變時、攀船舷魚龍吐火焰往、出波間故

為相恐怖倏忽千萬端道在安可劫處之自
晏然我乏尺寸効月食二萬錢自請西南來
此行非竄遷蜀山險可升蜀路高可緣上無
嵐氣蒸下無波濤翻步覺閣道穩身履劍門
安惟懷吏部節不知蜀道難

聞子規

月上半峰、樹碧子規啼苦月無色壯士耳
邊都不聞見女眼中淚自滴古人出處非關

身處子事親出事君服勤至死不敢倦避勞
擇逸豈所聞我看蜀道誠為難嗟翁子規何
云々王道九折竟叱馭班超萬里圖立勲乘
危蹈險盡臣節二人至今揚清芬我本魯國
一男子小小氣志凌浮雲精誠許國貫白日
有心致主為華勛位卑身賤難自達滿腹帝
典與皇墳有時憤懣吐一言小人謗議已紛
紛宰相寬容天子慈八年之中三從軍從軍

官清吾何苦嘉州路遠爾勿語地不為我易
其險我豈守道不能固子規子規謬啼絕斷
無清淚洒向汝

哀隣家

隣家不選鑿：無救病術朝一鑿工入暮一
鑿工出有加而無瘳惶々不安室吁嗟隣翁
愚予為病者恤瞽鑿一日更千人盲藥何能
療沉疾

送趙澤

子來入吾圃，纔食一寸苗。未足充子腹，飢腸猶枯焦。玉山禾粒大如棗，食之令人身肥饒。留以待鳳皇，不將食雞臯。吾子何日回，遺子一粒換肝膈。

觀碁

人皆稱善奕，伊我獨不能。試坐觀勝敗，白黑何分明。運智奇復詐，用心險且傾。嗟哉一枰

上奚足勞經營，安得百萬騎。鐵甲相磨鳴，西取元昊頭。獻之天子，遂北入匈奴。域縛戎主，南行東逾滄海。東射破高麗，城南趨交趾。國蠻子輿櫬，迎盡使四夷。臣歸來告太平，誰能憑文楸。兩人終日爭。

贈劉中都

吾登泰山，上下視何紛。彼角而走者，孰為麟。與麀彼茁而生者，孰為蕭。與芸伯樂不復

出駕驥終同羣下和不再生珉玉將誰分吁
我劉中都高標凌浮雲諸侯不薦士外府不
榮勳冉、趙黃緩勤勞徒喻云我媿勢力小
不能叫吾君勿改芳蘭性林深須自薰勿隱
冲鶴聲天高當自聞

徂徠文集卷第二

徂 徠 石 介 守道

徂徠文集卷第三

古詩

感事

送張革後道

謁千乘縣田秘書

送范曙

赴天雄李太尉辟命

安道登茂材異等科

寄明復

詔下勉諸生

感興

又送後道

寄北京密直杜公

偶作

詔罷縣令舉

植萱

贈李常李堂

愛日勉諸生

閑興

過潼關

勉師愚等

寄弟會等

五月十日雨

送李堂病歸

三子以貧困於藜藿為詩以勉之
蜀地多山而少平田目有云

彼縣吏

蝦蟆

劉生病歸

久旱

永伯仲淵在獄作詩傷之

送進士高樞拱辰

讀韓文

感事

吾嘗觀中夏地平如砥石幅負數萬里車馬
通轍迹帝宅居土中紫垣當辰極長江斷其

南絕塞經其北東海西流沙天為限夷狄三代千餘年天子雖務德實以險為恃四夷皆潛匿漢唐德稍衰地勝豈殊昔暫來還亟去不敢窺城隄石晉一失謀六州淪胡域天地破高鏑山川無阻阨貽俞子孫患固知非遠榮桓、周世宗三十纂瑤曆一歲破東河劉崇喪精魄再歲復秦鳳不遑自柔格三歲出南狩王師拯焚溺江北十四州取之如卷席

四歲征關南曾不發一鏑三州相繼降德聲暢蠻貊李昇請臣妾錢鏐備貢職帝欲目兵鋒乘勝務深擊直取幽州城拓土開疆場重收虎北口復關閉寇賊是時戰屢捷六軍氣吞敵平吳如破竹成功在頃刻惜哉志不就暴疾生中夕帝宗承大寶聲明發丕赫合蜀獻土地舉吳上圖藉荆潭與歐閩助祭來匍匐開城納江俘御樓受晉馘區內一正朔六

州獨割別憤，柳崇儀才宏，苞旦爽生長在
河朔耳目熟，金革旗鼓朝治兵，酒肴夜結客
握臂說睥睨，倒囊推金帛，客以豪傑士，遇侯
頗感激，往來達厥誠，生死願効力，萬德納我
說洞然絕嫌隙，事成已有萌，侯去何云亟，豪
傑夜空回，帳中屢歎息，我覽此二事，天意終
難測，撫卷一感傷，兩睫淚潛滴。

送張莘從道謁千乘縣田秘丞京

張生何人者，琅玕滿懷抱，三十命未興，家貧
親且老，出門無所適，獨守西山，搯飢寒屢侵
凌，仁義自充飽，手裏瓊琳枝，不換徑寸草，足
底麒麟文，不踏荒榛道，十月客路寒，霜風鳴
浩、張生氣愈壯，勁髮上衝帽，松筠凍不折
枝，藁轉青好，雪深徒三尺，騏驎不受淖，東方
有賢者，開廐納驄，裏臨風試一鳴，應免編牛
卓

送范署赴天雄李太尉辟命

吾家泰山徂徠間濃嵐潑翠粘衣冠君來訪
我茆屋下正值山色含春寒終日把酒對山
坐幾片山色落酒盃峰頭雲好望無倦笛裏
酒多傾不乾臨行再拜懇懇別請我一言披
心肝吾貧無錢以贈君門前栽一橫兩山願
君節似兩山高眼看富貴如鴻毛
伯樂之廐無駕駘豫章之林多瑰材相君新

坐碧油幢之子直上黃金臺秋風蕭蕭動茄
鼓落葉撼撼鳴鐃壘將軍手持十萬騎陣前
號令如疾雷從事借籌為決勝運於掌上何
恢々蠢茲元昊命螻蟻西師堂々難當我况
我賢相賢從事北門無憂宜火開

安道登茂材異等科

嘗言春官氏設官何躔躡屑々取於人辭賦
為程約一字競新奇四聲分清濁矯々運雄

才動為對偶縛恢：晁董榮六遭聲病落每
歲棘籬上所得多浮薄嘆我浮薄流不知王
霸略六經掛東壁三史東高閣瑣事雕篆
區：衍述作隨行登一第謂身翦察廊趨眾
得一官謂身縻好爵栖咫尺地燕雀假安
託汲：五斗米鴈鷺資飲啄壯我張安道少
懷夫子學三就禮部試不肯露頭角耻用眾
人遇羞持一賦較甘心搨翼歸志懷本卓犖

三賢文章師

大參宗公副樞蔡公
計相范公連章稱薦

儒林推先

覺百鳥聲啾

獨能辨鷺鷥玉石方混：獨

能識至璞薦之於天子此材堪輪楠遂得望
清光三接近惟幄僚友視萬乘器宇誠嶽
頽乞數刻景古今可揚摧縱橫三千言得雋
如奪槩上下馳皇王周旋騁禮樂遠推災異
源上究星火錯直言補王關危論針民瘼天
子覽其奏嘉賞為嘆愕既嘆相見晚且言同

時樂一命校祕書恩澤優且渥追惜漢武世
仲舒道磽确再念文宗朝劉蕡命蹇剝有才
無其時徒抱此誠懇吾君嗣丕基百王慙景
鑠萬物蒙休嘉四夷奉正朔賢良得其時才
命不相虐一謁乃大遇君臣無隔膜我賀吾
君明取士得矣卓我賀吾道行逢時不蹉跎
行願入廊廟鈞軸在掌握上使斯文溥下使
斯民樸五帝後可追三王豈為邈

寄明復熙道

四五十年來斯文何屯蹇雅正遂凋缺浮薄
競相扇在上無宗主嗟哇千萬變後生益纂
組少年事彫篆仁義僅消亡聖經亦離散其
後日已多天下過太半路塞不可聞甚於楊
墨患辟之使廓如才比孟子淺患大恐不救
有時淚如霰大賢為時生去聖猶未遠昔日
到汶上熙道始相見知道在熙道一見不敢

慢尊之如韓益與道作藩翰今春來南都明
復去京輦未識心相通所懷恨未展明復無
羈縛我有守官限南走三百里訪我殊不倦
劇談露胷臆胷臆無畔岸高文見事業事業
盈編簡一一皇霸略縱橫小管晏磊々王相
才上下乞周漢二賢信命世實為有道見天
使扶斯文溥風應可違我綴二賢末材駕媿
款段

詔下勉諸生

禮部文章淵波浪百尺高進士英俊窟蛟龍
千萬條吾子欲求濟整子棹與篙吾子欲求
勝搦子戈與矛勿謂水可狎徒行思遊遊勿
謂龍可馴空手持鬚毛波神忽洶湧怖死填
蟹螯龍角忽張怒走同蝦蟇曹荀利篙楫往
跳海如滄濠苟搦戈矛行拉蛟如猿猱吾言
有所勉非徒聲嘈々

感興

村居何所適種木樹桑梓田園繞家舍遠不
逾十里款段足乘騎代步而已矣但識畜駕
駘安知有騏驎臘月北風寒太行山色紫君
命急如火城頭見燧燧雪深馬僵倒十夫扶
不起軍法有明訓後期者誅死倚鞍思駭骨
撫轡念騷駢求之不可得轂棘滿眼淚旁聞
負薪叟竊語相譏刺居安常念危在險如處

易臨難始求濟狼狽徒勞爾有備則無慮古
人垂深旨平居無事時華廐深衣邃善穀與
豐草秣飼十廐吏駕駘飽相枕素餐不知媿
伯樂能識馬每來如勸說飛兔與驥衰日掌
在都市為凌千金資貪恪不肯置今日臨艱
難努力自勉勵

又送後道

常欲飽煖天下人其道未得一寸施子有二

親皆七十糠覈不充常寒飢昨日訪我破屋
下具雞一隻酒一卮子起却盤筋不舉吾親
未省曾食之對我噓涕泗下孝子之心真
可悲子固與我同一體相間豈復有毛皮顧
子之親則吾親吾親凍餒無奈何飽煖天下
心徒為送子出門成此詩

密直杜公作鎮於魏天章李公領使
於魏明復先生客於魏熙道宰於魏

因作詩寄之

古魏信名地曹劉遺吳蜀李唐三百年帳為
干戈蹴建安風不還南皮草空綠寥々千餘
祀風流今始續李杜二賢公清猷鎮雅俗詩
名占唐代二公本名族聖時還並生聲烈相
董馥朝廷倚金湯天子恃心腹盛德異物懷
威望憬夷服千里無驚烽三軍安食粟休然
德化厚蒼生坐蒙福先生服仁義懷道輕爵

禔非其人，不取一簞。六自足陳蕃，知人明文。
侯好士，篤解榻。延徐孺，過門執干木。今留二
公館，德修令問。泚熙道，富天爵。孝悌聞鄉曲，
孔孟信可蹈。聖賢良自勗，漢廷新射策。驟升
校書局，魏縣方百里。君命往養育，二公佐世
傑。二賢不碌碌，相與施禮讓。物歸不待宿，相
與諱道義。教行如流連，賢人時道會。間不容
薄殼，五百年一賢。今乃同時生，千里猶比肩。

四賢今連薨，相聚誠可樂。相得良有情，我媿
孤且陋。徒抱此寸誠，處比數無首。在秦非彙
征，出門皆同人。坎于郊，行獨鶴。遠無和，栖
栖在陰鳴。安得雙飛翼，一翥鄴都城。

偶作

晉公平淮，西兵出速如神。崇韜伐西川，六十
日請臣。太祖初受命，諸侯未盡賓。蜀廣號敵
國，荆潭為疆鄰。王師討有罪，不聞逾十旬。元

昊誠螻蟻有地長一畛詎足污斧鉞尋當投
荆榛是何逾歲月務行舍貸仁豈茲將帥間
迥無晉公倫張旗發一號豈無李處耘提戈
出一戰豈無王令斌容茲盈守蟹蕩漾於流
津平生讀詩書胸中貯經綸薄田四五畝甘
心耕耨勤倚鋤西北望涕淚空沾巾

詔罷縣令舉

一絃獨不調謂琴皆可廢一目獨不張謂網

皆可毀易絃張其目網在琴聲備舉令或非
人心當罪舉吏遂令天下不得舉廢琴毀網
復何異

植萱

一人橫行武王則羞今西夷之鬼抗中國而
敵萬乘西夷之服升黃堂而驕諸侯尊於天
子滿於九州王法不禁四民不收植萱於階
子庶忘吾憂

贈李常李堂

王黃州禹偁張尚書詠高夫子李相國皆濮人

顛頊宅帝丘放勳葬成陽有虞漁雷澤三帝

聲汪洋

帝丘成陽雷澤皆屬濮州

聖人遺風烈生民多材

良吾宗八十年賢傑近相望黃州號辭伯兩

朝專文章尚書實大臣朝廷畏雄剛堂高

夫子立言育荀揚凜李丞相功業齊蕭張

三人名未泯相國方騰驤又生不世才李常

與李堂二子皆絕羣鳳皇摩蒼一舉一萬

里志氣不可量新文各百首寒金敲琳琅古
音抱溥澹雲和與空森豪氣邁儔匹騷裏與
飛黃千里希一賢四公乃同鄉二子復穎耀
士風實深長遙知濮水上千載流聲光

凌日勉諸生

白日如奔驥少年不足恃汲身未立忽焉
老將至子試念及此則晝何暇乎夜何暇
身寐

開興

大匠構厦屋取直棄曲木如何官擇人棄直
獨取曲養苗除稂莠養民除貪垢存莠苗不
碩去貪民自富

過潼關

昔帝御中原守國用三榮上榮以仁義天下
無能敵其次樹屏翰相維如盤石最下恃險
固棄德任智力驅馬過潼關覽古淚潛滴開

元帝道明百蠻奉周曆田野富農桑邊隅無
寇賊紫宸日視朝潼關夜常關天寶君政荒
宮闈養虺蜴恩愛成怨疾心腹生毒螫朝聞
發漁陽暮以卷河北鳴鼓渡潼關矢及乘輿
側重門徒禽設關吏安所職始知資形勢不
如備道德

勉師愚等

不行一千里安得為良馬不連十五城安得

稱善價汝皆有血氣非如木偶者操髮號男
兒肯甘在人下汝不聞圖王不成猶可霸齊
與吾俱人學之則舜也汝等但勉旃前賢皆
可亞

寄弟會等

吾門何所喜子衿青、多豹常志古道佩服
卿與軻平泚號能賦其氣典以和樞從吾日
久道德能切磔澤也齒最少已有亭、柯章

頗通典籍所立不公廢溥乎性源濁今之為
清波就初學誦詩日記十板過材雖有高下
異日俱甲科會汝少俊異美若玉山木看汝
辭林中枝條漸婆娑合亦稍純茂知不隨身
姓其流雖消、可道為江沱視汝器器、溥
沆皆蚌螺我有莖山錫欲鑄子太阿誠能來
就學穎利加銘磨翹、數子間可與肩相摩

張豹劉君平盧泚李常高
樞趙澤孔彰溥沆姪也

五月十日雨 明道二年作

鞭石不見血頑雲石不蒸鞭龍不至痛六合
雷不勝吾君與吾相威德震八紘萬物各備
職雨師獨敢寧

送李堂病歸

春風汶水溫曉日徂徠寒之子銜病歸請予
開一言予知去病術為子陳大端予嘗學聖
人試將道比論道病非一日善醫惟孔韓賞

蜀絕於周孔筆誅其姦春秋十二經王道復
全完佛老熾於唐韓刀斷其根原道千餘言
生民復眠冷道病由有弊邪偽容其間身病
由有隙風邪來相干子欲治斯道絕弊道乃
存子欲治子身杜隙身乃安此理近古鑿吾
言有本原

三子以食貧困於藜藿為詩以勉之
五世本寒賤吾身守貧約家徒立四壁無田

負城郭終歲服一衣無裝貯囊橐吾雖得一
官：卑月俸薄况属歲凶菜餓民填溝壑吾
幸有寸祿不至苦殞獲隨分且飽暖不怨
流落翁等勤初學無耻衣食惠仁義足飽飲
道德堪咀嚼二者肥翁軀不同乳與酪翁無
嫌麤糲翁勿厭藜藿富貴自努力青雲路非
邈

蜀地多山石而少平田因有作

五穀無種處蜀民土田窄瘠巖頑石長不休
說：赤子將何食

彼縣吏

嗟乎嗟乎彼縣吏剥膚推髓民將死夏取麥
子秋取粟笞匹紅子杖匹紫酒臭甕子肉爛
床馬餘梁子犬餘齷雀腹鼠腸容幾何虎噬
狼貪胡無已

蝦蟆

夏雨下數尺流水滿池泓蝦蟆為得時晝夜
鳴不停幾日飽欲死腹圓如瓶罌鉅吻自開
闔短項或縮盈時於土坎間突出兩眼睛是
何癡形骸能吐惡音聲嗟哉侖肉膾不中為
犧牲嗟哉侖聲麤不中入人情殊不自量力
更欲睥睨橫海之鱣鯨自謂天地間獨馳善
鳴名萬物聒皆靜不知鐘鼓欽、雷霆閱
應龍戩腦入海底鳳皇舉翼摩青冥此時各
默、以避蝦蟆鳴何時雨歇水澤涸青臭泥
中露醜形失水無能為兩脚不解行乾渴以
至死盡把枯殼填土坑

劉生病歸

泰山、前有瓊圃其中不樹葦與薇千頭綠
竹瑤實甘百畝玉芝丹粒肥麒麟子、鳳皇
飽鼓翅奮臆揚清輝徂徠山下少耕鋤蒿藜
滿圃無芳菲騶虞不住鸞鳥去日暮啁啾燕

雀飛嗟哉劉生失所投不往泰山徂徠依鍾
年採掇不得飽正是新春癯瘠歸

明復先生
居泰山

久旱

風伯且須戢頭角放出龍喙萬丈長喙垂一
尺雨一尺得雨萬丈成豐穰

永伯仲淵在獄作九十二言傷之

吁嗟惡獸羣蹄踏麒麟如瓦磨吁嗟惡鳥音
啁噪鳳皇伏中林我願爪牙如鋒鏑牙可噬

兮爪可搏直入深山驅虎狼護取麒麟好頭
角又願身生兩羽翼一夕長就萬丈長直入
林中護鳳皇不使毛羽膚寸傷吾願兩未遂
中夜涕下沾衣裳

送進士高樞拱辰

韓門有李漢柳氏得晦之其道卒無患二子
為藩籬吾才誠駕弱十年空致韓閭與柳
闕豈敢輒潛窺二氏方肆行斯文已不哀手

持萬丈斧欲往斷其枝以次及根柢使不復
蕃滋高生吾之婿乃肯從吾為示我文一編
言辭不蕪挺翅羽雖尚短已去摩尾箕氣力
雖未全已能搏蚊螭吾日覺老大韓柳難企
斯吾子年始壯勇若熊與羆李漢不足慕晦
之當並馳

讀韓文

眇焉五帝上嘗觀二典辭煥乎三王間嘗觀

二雅詩道德既淳厚聲光何歲蕤烈日精
散閔雷聲施焉如飛龍潛焉如蟠螭祖
述兼冕章後世唯吾師永言二典往羣言或
隳離亦既二雅末六義多陵遲寥々千餘年
顛危誰扶持揭々韓先生雄々周孔安披榛
啓其塗與古相追馳沿波窮其源與道相濱
涯三墳言其大十翼暢其微先生書之辭色
括無子遺春秋一王法曲禮三千儀先生載

於筆鉅細成羈縻揚墨乃淪昏曠然棄其媼
佛老之顛墜茫然復於夷婉、平蔡畫淮西
獲以依凌、逐鱷文潮民蒙其禧心將元化
合功與天地齊洋、治世音磊、王化基恃
之則幽厲順之則軒羲

徂徠文集卷第三

徂 徠 石 介 守道

徂徠文集卷第四

律詩

讀石安仁學士詩

曷卿舊
字安仁

寄雷澤張從道

竹書筒二首

訪田公不遇

勉蘇唐詢秀才

獵

大寒早行

遊靈泉山詩

至日早離張村

歲晏村居

病起吟殘菊

和馮寺丞秋日寄明復先生

嶽色

宿村舍

和奉符知縣馮寺丞捕蝗回有作

泰山

留守待制視學六首

寄趙庶明推官

寄沛縣梁子高

送張殿院還臺

山齋熟寢

田集賢書至
日題書後

元均首登賢良科因寄

安道再登制科

送奉符縣監酒稅益執中借職

見張文升由臺簿改著作

寄君謨

寄元均

寄升衣

寄題姜潛至之讀易堂

綿州路次水軒暫憩

左綿席上呈知郡王虞部

嘉州寄左綿王虞部

士廷評相會梓州

勉鄭師易秀才 送李堂伯升病歸

伯升病君逢道送歸

喜雨 留題敏夫隱居

訪竹谿呈益節兼有懷熙道

招張洞明遠 攝相

寄孔中丞

送弟及之就彭門侍養

村居

燕支板浣花牋寄合州徐職方

御史臺牒替光臺錢戲呈通判寺丞

送馮司理之任彭州

寄通判呂國博 顏魯公太師二首

褚遂良僕射 陽城諫議

素高給事 溫造御史

劉栖楚拾遺

讀五王傳

讀魯晉二公傳

李吳公勣

漢成帝

文中子二首

初過潼關值雨

雨晴復賦一絕

過溫湯

初過大散關馬上作

過飛仙嶺二首

峽中

劍門讀賈公疎詩石

赴嘉州得友人書目答之

蜀道中念親有作

泥溪驛中作

柳池驛中作

訪栗園有感

村舍有姥八十餘出拜

讀石安仁學士詩

易卿舊字安仁

齊梁無駭骨李杜得秋毫後世益纂組變風

堪鬱陶奔道少驥送充冗如牛毛試看安仁詠

秋風有怒濤

寄雷澤張從道

不知有凍死一室心恬如臘盡妻未褐天寒
子讀書澆風與世薄古道于時踈事皆同
我憶君春草初

竹書筒二首

截竹功何取為筒妙可談長猶不盈尺青若
出於藍浮薄瓢皆去嶽峯節獨堪誰言但空
洞自是貴色含虛受殊招損多歲不類貪巾

箱徑謗五誦牘篋空三淚有湘妃灑書疑禹
穴探質曾冒霜雪價本擅東南墮擗遺輕粉
移根破凍嵐龍音終不死鳳實尚餘甘朴陋
我為貴彫鏤彼合慙居常冒几樓出或繫駢
駢唱和交朋倦提携僮僕諳純姿片丹漆美
幹敵榘栴其直如周道虛心學老聃吾徒正
得用詩筆戰方酣

達者創奇製霜圓圓斷竹尋蒼筤破雲色蕭瑟

移風音經寸不為短操幽乃覺深中間自空
洞枝幹何嶽崑投恐成龍去吹還作鳳吟稜
稜人有節竅易無心儉朴他難比提携力
足任純姿古皇道虛受聖人襟或貯諫官草
多收女史箴筒子用可貴吾不換南金

訪田公不遇

主人何處去門外草萋萋獨犬睡不吠幽禽
閒自啼老猿偷果實稚子弄鋤犁日暮園林

悄春風吹藥畦

蘇唐詢秀才晚學於予告歸以四韻
勉之

憐我山中卧半年相伴吟道傳諸子後易得
數文深爨或經年絕書猶盡日尋惜哉未終
業親老忽霑襟

獵

騎士千人集綏旌四面張凝陰慘羣物殺氣

結飛霜雉守一節死免緣三穴藏石慙羊質
見狐嘆虎威亡獸困猶思闕鴻驚不亂行唯
當縱猛鷲盡使食貪狼意務除田害誰言事
外菜非熊得呂望祝網遇成湯近念魏知古
深思夏太康吾君戒馳騁事合經常

大寒早行

萬動皆休迄五更獨鳴鞭星霜結淒色風霰
過長川草暖犬猶睡河冰馬不前城牆多有

穴村屋半無烟餓虎寒猶吼妖狐凍不眠山
空亂猿叫樹折一難顛幾度處爐熏炭何人坐
有檀崎嶇轉行路凜冽逼窮年脚指兩箇落
衫裳百孔穿噓唏鼻繞潤僵直手難拳身固
凍不死志當窮且堅四方丈夫事誰為淚潺
湲

遊靈泉山寺

寺遠離朝市同遊並結軫塔根盤石磴殿影

落青冥地勝松筠衆山名草藥靈洞門深數
里檜樹壽千齡疑有神仙聚寧容魑魅停年
多養龍虎早已蟄雷霆石上生苔蘚巖阿長
茯苓晴雲出幽竇陰霧滑疎櫺露滴茶芽潤
烟蒸竹汗青冷霞充道味採朮驗丹經直擬
升高處何妨陟絕砭遐觀際窅廓下視何羶
腥自被利名染無目肺腑醒晨興看樓牘夜
坐守窻螢齋：遵前訓競：視此銘沉冥若

籠鳥囚繫似拘囚有願棲雲壑相隨步翠壙
平生山野性暫喜據梧暝

至日早離張村

北闕千官集南山萬壽長何人踐文石獨客
踏寒霜指凍只憂落馬羸時恐僵豐凶卜來
歲猶喜香雲黃

歲晏村居

歲晏有餘糧杯盤氣味長天寒酒脚落春近

矐頭香菜色青仍短
茶芽嫩復黃
此中得深趣
真不羨膏粱

病起吟殘菊

病起重陽過
東籬菊尚黃
慙擷寒藥子
細嗅清香
老吏防閒蝶
清油護曉霜
最邊疆一酌聊不負秋光

和馬寺丞秋日寄明復先生

秋陰閉秋色
何處動悲涼
有叟傳巖隱
明時

潘鬢蒼殘書幾篋
蠹寒菊半籬
荒惟學春秋者時
到草堂

嶽色

春近滿魯冬雨餘
堆汶河濃雲映不盡
殘照射來多
高與天臨縣
間臨月上坡
特開西北戶
凌此鬱嵯峨

宿村舍

明道癸酉歲

去：都城遠蕭々村落秋
飢鷓啄死鹿鳴犢

隨尊牛轉徙多空屋
菜榛有亂五狐狸
競恐怖雀鼠仍啣啾
鬼火時明滅旋風乍
卷收吾心不吐茹
忠信待姦仇

和奉符知縣馬寺丞永伯捕蝗同有

作

天道不可詰吾當責
禽螟方今絕讒慝何
故播臙腥野草離
盡秋禾穗零知君
恤民意鬢減數莖青

泰山

七百里魯望北瞻何巖
諸山知峻極五嶽
獨尊巖寰宇登來小
龜蒙視覺凡此為羣
物祖草木莫鋤芟

留守待制視學六首

藝祖興王地諸侯布
教宮冠纓臨曉集文
雅與時隆泮水差
綠春沂習風袍輝子
衿勤旗映諱紗紅
節鉞來門外聲容播
國中分

+

庭等威殺更僕宴談終壘、聞諄誨奉、激
懦衷武昌尊庾亮蜀郡樂文翁王化周南始
儒縫魯俗通四方觀表則後學發童蒙木鐸
傳遺韻緇衣纘舊功願公持此道黃閭弼清
躬

其二

演道開談席觀文降使轄水寒芹葉薄春早
杏陰絲喜動青、佩親聞壘、言孤生荷樂

育終始託丘園

其三

盛府雍容外輕裘博雅存席間閒布帙鈴下
晝無喧首喜隆儒術諸生接討論馬融南郡
學觀、豈堪言

其四

春早沂風暖芹生泮水深前旌拂講樹垂珮
耀童衿郁、弥文化循、善誘心恭王不壞

完金石有遺音

其五

翼、取則地著、樂育篇使輜臨學舍台席
俯談筵韋相傳經舊文翁唱教先諸生動觀
數門外卓卿旃

其六

泮水渌猶淺春芹蒸始敷旌旗久停駐衿佩
儼相趨庾亮親臨學哀公不詬儒茲為表則

地風教自王都

寄趙庶明推官

四十年来贊太平君王耳畔管簫聲定襄地
域俄連震萊牧男兒忽議兵明日邊烽高百
尺同時御府出三旌將軍請用多、算能向
當初見未萌

寄沛縣梁子高構

南海怒蛟三尺角埋藏水底難吟呻明時直

道難干祿白首躬耕力養親
醉讀兵韜闕龍豹閒抽寶劍
舞星辰茅齋東是留侯廟定有
英靈還往頻

送張殿院還臺

老柏森々節貫冬頭冠獬豸
號清雄側階簪筆書王法當路
埋輪有祖風白簡剛嚴重入
府卓封切直舊留中長安豪貴
應相避又識當年御史驄

祖徠山齋熟寢家童報征西府從事
田集賢元均張著作并文趙推官庶
明書至開緘讀之目題書後

滿徑蓬蒿懶自鋤何人日午叩茅廬
徠山下一枕睡經略府中三紙書
兵謀貴勝縱橫出海鳥忘飢飲啄
餘唯有淮夷雅宜作文章
兼不讓黃初

元均首登賢良科目寄

宏辭等甲賢良貴二美翩々落手中今之御試三題

即唐宏虎子得來山穴泣驪珠探去海濤空解科也

三千字獨陳當守十七人甘坐下風試者曾

內當年競頭角直從此月決雌雄予與元均

士科禮部 卿 前姓名皆相鄰

安道再登制科

雄辭磅礴整羣莫再戰戈矛銳更精裴度韜
鈴無失律武侯節制是神兵千人盡服祖正

議九合誰干小白盟 帝宗開基八十載連

登科目獨為榮

送奉符縣監酒稅益執中偕職蜀主

東西兩處各天涯去國還鄉喜又嗟鄒嶧山

藏孟子宅自言後益海棠花落蜀王家深知周

道非彞酒可罪唐臣乞稅茶三載此心無一

事聞經絳帳日常斜事退日就於明復先生問道

嘉州讀邸報見張升文由御史臺主

薄改著作侍郎依舊在臺

驚聞除日到遐荒病眼偏明喜倍常古節舊
如臺柏直青衫新惹閣芸香中廬夜宿羣經
蠹北戶朝趨滿簡霜主簿雖卑官漸緊近來
應有諫書囊

予與元均永升君謨同年登科永升
尋入館閣元均今制榮高第君謨復
磨礪元均事業獨予驚下目寄君謨

網羅當日得英雄文陣三人各立功海裏赤
鯨疑有角雲中騏驎欲追風尋聞館閣英聲
出又見賢良大對通六說年來蓄奇業雖蟻
何計逐飛鴻

寄元均

君為儒者豈知兵何事欣隨驛馬行裴度樽
前坐韓愈趙成帳下立荀卿禦戎誰道全無
策對壘寧妨下一枰須信乾坤養不肖年三

十七卧柴荆

寄荆文

幾年持筆事征西未省樽前略展眉
草檄朝慵腕勞脫論兵夜苦舌瘡痍
報君自說心如石憂國人言鬚欲絲
若紀成功鏤金板能文韓愈自相隨

赴任嘉州初登棧道寄題姜潛至之
讀易堂

我不從官居下第其間險易兩何如
連雲棧外四千里讀易堂中一帙書
慈母含飴垂堯髮先生懷道接茅廬
莫將清淚頻洒蜀道之難欲上初

入蜀至老綿路次水軒暫憩

水軒聊得恣吟哦拂拭衣裳塵土多
蜀道三千里巖險官途五十驛風波暫
休又作故山夢閒唱還成勞者歌
幾斗米牽歸未得空憐

滿眼是烟蘿

左綿席上呈知郡王虞部

王與介前任同在濰陽

何事相逢悲喜并
倏然相別二周星
主人鬢髮無多白
幕客襴衫依舊青
目極同思故山斷
涕危共在異鄉零
階前絲竹雖嘈雜
不似南湖上聽濰陽南湖宴

嘉州寄左綿王虞部

江山如畫望無望
况属昇平歲
屢豐萬樹芙蓉

蓉秋色裏千家方響月
明中斷霞半著燕支
木零露偏留筵竹
韻只欠流杯曲水宴
風流

未與左綿同

左綿新創流杯

士廷評相會梓州

道視荀揚雖未至
分於管鮑已知深
一千二
百日離別五十六
驛外相尋重欲同
君注周易且來共我聽
胡琴月留屋角不
下去似與清風憐苦吟

鄭師易秀才詩奔騰道壯殆有石舅
卿學士風骨作四韻以勉之

舅卿續得少陵絃，絕年來又一年驚起聽
君諷新句灑如開集味遺篇一家氣骨疑無
偶萬丈光芒欲拂天好向風騷尤著意他時
三箇地詩仙

送李堂伯升病歸

經年吾圃採珠璣無限愁腸對落暉綠竹實

踈鳳皇瘦玉芝粒小麒麟饑不因芳草傷春
哭正是東風感疾歸只有文章滿君腹身雖
癯瘠道合肥

伯升病君逢道送歸

朝來何事苦顰眉一客越吟三子歸河渚排
徊感春色山齋寂寞背斜暉知心古道誰相
得灑淚東風自覺非早到茅廬慰孤淡易交
待共參微

喜雨

學作昇平喜雨吟東臯微破滿犁深已開萬
乘焦勞慮應解三公燮理心天捉乖龍鞭見
血雷驅和氣泄為霖農夫隴上閒論價一寸
甘膏一寸金

留題敏夫隱居

三迴到此尋逋客杯案蕭疎滋味長山飯半
甌橡子熟春蔬一筋木苗香四時泉石應無

夏滿谷雲霞別是鄉終待共君結鄰里竹邊
相並兩間房

訪竹溪呈孟節魚有懷熙道

到頭泉石是吾家坐石聽泉日已斜一片青
衫非富貴千竿綠竹好生涯君曾覽照頭皆
雪我試看書眼六花便好結為山伴侶教他
夔益佐勛華

招張洞明遠

君言下第我西飛，執手都門淚滿衣。
萬里得歸頭半白，經年相別道應肥。
火鑕欲遍龜巖死，竹實猶多鳳不飢。
暫到東山慰愁抱，春秋之學說深微。

攝相

惜無百里地，封君攝相區。
道屢伸少正，將身膏斧刃，侏儒流血汗。
車輪方今魯國知，王法自此齊侯畏。
聖人昔放四凶，誅二并舜周。

功業始同倫

寄孔中丞

諫署崢嶸有舊名，侯藩偃息故方城。
張綱昨日彈梁冀，文帝今朝召賈生。
古節未慙臺柏直，仙風應對簡霜清。
人言賤子叨知己，試把塵冠一振纓。

送弟及之就彭門侍養

城南車騎曉駸駸，欲去重留酒屢斟。
惜翁浪

浪辭我淚感予切，戀親心迹聞最樂無妨。
學風月餘閒豈廢吟，別後不憂書信少但聞
為善是嘉音。

村居

幽居一畝枕溪隄，階下杉松纏古藤常愛園。
林深似隱不嫌門戶冷如僧，麥宜過社猶催
種山近經秋却懶登，已把壯心閒頓置少年
莫要苦相憎。

燕枝板浣花牋寄合州徐文職方

合州太守鬢將絲，聞說歡情尚不衰。板輿歌
娘拍新調牋供狎客，寫芳辭未成文理差。
動花映溪光瑟瑟，奇名得只從嘉郡樹。燕枝木嘉
州出樣傳仍自薛濤時。有薛濤箋奇章磊々馳聲價。
江令翩々落酒卮，幾首詩成卷魚子。有魚子牋誰
人唱罷泣燕枝，紅牙管好同牀置。紫竹笙宜
一處施，願助風流向罇席。杏花況是未離披。

司空圖有杏花辭文
頃在睢陽多命唱之

御史臺牒督光臺錢牋云以憑石柱

鐫名目戲書呈通判寺丞景元

幕中久次無他術銜內兼官帶憲司石柱鐫
名誠似是多冠加首竟何為笑曾執簡抨彈
去空被光臺督責隨一起鴛鴦身雲漢應嗤
燕雀守藩籬

送馮司理之任彭州

李白詩中蜀道難把詩試讀淚沈瀾江飛詰

曲千迴折嶺路峻增萬屈盤登陟去年腰僅

折追思今日鼻猶酸予去年罷嘉州歸此行君不同

屯蹇五馬相知舊長官彭州牧與君常同官

赴任嘉州待關左綿七十日通判呂

國博日相從吟酌至嘉陽目成四韻

寄之

鼎來豈敢道言詩一見何日便解願鄉國三

千里離別杯盤七十日相知送人江外馬駝
妓垂釣寺中魚竭池別後中秋又重九與誰
賞月詠東籬

顏魯公太師

唐家六世樹威恩外建藩翰禦不賓二十三
州同陷賊平原猶有一忠臣

又

聖賢道在惟顏子忠烈名存獨杲卿甘向賊

庭守節死不羞吾祖與吾兄

褚遂良僕射

先皇執手未多時受記誠深誓不違終向君
前還此笏一身視死喜如歸

陽城諫議

衆口暗：血噤牙獨將忠謬敵奸邪德宗若
用延齡相敢有陽城壞白麻

袁高給事

擲毫不肯草絲綸宰相送巡命別人明日執
迴盧杞制始知唐室有忠臣

温造御史

一言膽落折藩臣屈強何人敢恃勳關下唯
聞温御史蔡州自是李將軍

劉栖楚拾遺

此節寧甘剛則折平生不肯曲如鈞革囊裏
血將何用一汗龍墀始即休

讀五王傳

聖賢用榮寧相遠千載毫釐竟不差四皓當
年安漢嗣五王今日復唐家

讀魯晉二公傳

節似魯公猶被陷忠如裴度亦遭讒上無明
主奸邪勝我讀遺編淚滿衫

李英公勸

一言容易廢忠謀徇主從昏可自尤今日始

知辜付託當時鬻指血空流

漢成帝

鬱：朱雲志不伸上方寶劍欲生塵空留折
檻旌君直左右何嘗去佞臣

文中子二首

龍蟄河汾道不行訐謨經濟授諸生由來房
魏皆卿相共輔文皇致太平

又

獨將禮樂付程仇房杜無才闡大猷可惜唐
家三百載聲明文物愧宗周

初過潼關值雨

二十年来一華山揚鞭西笑入秦川浮雲何
苦深遮閉豈是三峯不好賢

雨晴復賦一絕

過關何事懶搖鞭酷愛三峯落馬前天氣清
明新雨後山光日色滿秦川

過溫湯

驪山下水洋洋，一勺之多解破唐。敢告後人尚鑑近溫湯，今日是唐湯。

初過大散關馬上作

秦中山色牽吟思，旋被江聲破睡魔。吟思睡魔兩相戰，誰知馬上有干戈。

過飛仙嶺二首

入蜀牽吟景象濃，雲山萬疊與千重。癡巖頑

壑無奇觀，不似飛仙數朵峰。

又

御愛數峯非拔秀，當時駐蹕欲忘還。飛仙急過無真賞，始信明皇不識山。

峽中

路狹繞容飛鳥過，山將生合奈山何。不知天外山長短，何事窺來一管多。

劍門讀賈公疎詩石

劍門駐馬立踟蹰讀盡新篇味有餘
關令多情兼好事詩名留得賈公踈

予自南京留守推官循資為掌書記
由將仕郎超階至朝奉郎得蜀嘉州
友人相賀者曰答之

一循資走五千里四遇恩超十六階
自顧非才已過分誰言英俊尚沈埋

蜀道中念親有作

東望庭闈魂欲銷層層雲棧上岩堯
江聲山色情多少相伴西來慰寂寥

泥溪驛中作嘉陵江自大散關與予
相別二十餘程至泥溪

借予去目
有是作

山驛蕭條酒倦傾嘉陵相背去無情
臨流不忍輕相別吟聽潺湲坐到明

祖徠文集卷第四

